

16/06/2002

Persiapan menjelang Perhimpunan Agung Umno

KUALA LUMPUR: Petugas ibu pejabat Umno kini sibuk membuat persiapan terakhir menjelang Perhimpunan Agung Umno bermula Selasa ini yang bakal dihadiri 2,033 ahli dan lebih 1,000 pemerhati.

Antara yang diambil kira ialah soal keselamatan, kebersihan, keselesaan peserta, persiapan makanan dan tempat duduk, fail persidangan dan pemasangan papan sepanduk di dewan persidangan dan sekitar bangunan Pusat Dagangan Dunia Putra (PWTC).

Umno Wilayah Persekutuan turut mengadakan latihan barisan kehormat bagi menyambut kehadiran Presiden Umno, Datuk Seri Dr Mahathir Mohamad dan Ahli Majlis Tertinggi.

Perhimpunan kali ini mencatat sejarah apabila perasmian serentak Perhimpunan Agung Pergerakan Pemuda, Wanita dan Konvensyen Puteri Umno oleh Timbalan Presiden Umno, Datuk Seri Abdullah Ahmad Badawi di Dewan Merdeka diadakan pada sebelah malam.

(END)